



Broj: 01-14-5189-2/17
Sarajevo, 12.01.2018.

Na osnovu čl.70. Zakona o javnim nabavkama BiH ("Službeni glasnik BiH", broj:39/14), a u vezi sa članom 38. Statuta Grada Sarajeva ("Službene novine Kantona Sarajevo", broj:34/08-Prečišćeni tekst), gradonačelnik Grada Sarajeva, donosi

ODLUKU
o izboru najpovoljnijeg ponuđača putem Pregovaračkog postupka
bez objave obavještenja o nabavci

I

Prihvata se konačna ponuda ponuđača „Samostalna obrtničko-zlatarska juvelirska radnja“ vl. Sofić Fahrudin ul. Gazihusrefbegova br.53. Sarajevo, od 03.01.2018. godine, u postupku provođenja javne nabavke putem Pregovaračkog postupka bez objave obavještenja o nabavci za „Nabavka suvenira –ručno rađeni uramljeni suveniri od srebra sa motivima grada Sarajeva (multietničko Sarajevo, Bašćaršija, Vijećnica, Sebilj, Katedrala, Pravoslavna crkva, Sinagoga i dr.)“

II

Sa ponuđačem „Samostalna obrtničko-zlatarska juvelirska radnja“ zaključit će se Ugovor o nabavci roba iz tačke I ove odluke.

III

Ova odluka stupa na snagu danom donošenja.

Obrazloženje:

Odlukom broj:01-14-5819/17 od 17.11.2017. godine, pokrenut je postupak javne nabavke „Nabavka suvenira –ručno rađeni uramljeni suveniri od srebra sa motivima grada Sarajeva (multietničko Sarajevo, Bašćaršija, Vijećnica, Sebilj, Katedrala, Pravoslavna crkva, Sinagoga i dr.)“ putem Pregovaračkog postupka bez objave obavještenja o nabavci.

Na zahtjev za dostavu ponude za učešće u Pregovaračkom postupku bez objave obavještenja o nabavci broj: 03-14-5819-1/17, od 11.12.2017. godine, Ponudu od 26.12.2017.godine, dostavio je ponuđač „Samostalna obrtničko-zlatarska juvelirska radnja“.

Otvaranje ponuda izvršeno je na sastanku Komisije za javnu nabavku, 26.12.2017.godine, imenovane Rješenjem gradonačelnika br:01-05-5478/17 od 31.10.2017.godine, i Rješenja o izmjeni Rješenja broj:01-05-5478-1/17 od 15.11.2017. godine.

Komisija za javnu nabavku izvršila je uvid u Ponudu, te utvrdila da je ponuđač dostavio svu traženu dokumentaciju u skladu sa uslovima navedenim u tenderskoj dokumentaciji. Poslije obavljenih pregovora sa



predstavnikom ponuđača, odlučeno je da isti dostavi konačnu ponudu uz korekciju ponuđenih cijena pojedinih artikala te proširenim asortimanom ponude sa suvenirom grba Grada Sarajeva kao i drugih suvenira sa obilježjima Grada Sarajeva.

Ponuđač je 03.01.2017.godine dostavio konačnu ponudu u skladu sa obavljenim pregovorima.

Nakon uvida u konačnu ponudu, Komisija za javnu nabavku, sačinila je Izvještaj i Preporuku Gradonačelniku od 08.01.2018. godine, da se ugovor o nabavci suvenira dodjeli ponuđaču „Samostalna obrtničko-zlatarska juvelirska radnja“ sa ponuđenom cijenom i popustom pojedinačnih suvenira u iznosu od 2.903,10, KM bez PDV-a, odnosno 3.394,97 sa PDV-om.

Isporuka robe vršit će se sukcesivno u skladu sa potrebama ugovornog organa.

Ugovor o nabavci robe zaključit će se na period od 12 mjeseci, a procijenjena vrijednost nabavke za ugovoreni period je 10.000,00 KM.

Gradonačelnik Grada Sarajeva je prihvatio Preporuku Komisije na osnovu koje je donesena ova odluka.

POUKA O PRAVNOM LIJEKU: Protiv ove odluke može se uputiti žalba u pismenoj formi u roku od deset (10) dana od dana prijema iste.

Žalba se podnosi Gradonačelniku Grada Sarajeva, adresa: Grad Sarajevo, Gradska uprava, Hamdije Kreševljakovića 3/III, kao prvostepenoj instanci u žalbenom postupku.

Gradonačelnik Grada Sarajeva

mr. Abdulah Skaka

DOSTAVITI:

- Ponuđaču
- a/a